

Safet Alibašić

Rukovodilac odjela za sport i programske aktivnosti

Sarajevo,

16.04.2025. godine

IP "OLIMPIJSKI BAZEN OTOKA" d.o.o.  
Broj: 95-768/15  
Datum: 16.04.2025. god.

n/r direktora Preduzeća

Predmet: Službena zabilješka

Poštovani,

Na Vaš jutrošnji zahtjev, dostavljam Službenu zabilješku sa sinoćnjeg obilaska plivališta.

U toku redovnog obilaska uposlenika na plivalištu, u utorak, 15. aprila 2025. godine, obaviješten sam da je spasilac Kevin sam na bazenu od 19:00 sati, te ako je moguće da ga neko zamijeni kako bi jeo.

Na plivalište izlazim oko 19:45 sati u pratnji kolege Eldina Muhremovića.

Sjedeći na stolici na mjestu, gdje inače borave spasioci, primjetio sam raspravu između Kenana Buljubašića i jednog rekreativnog korisnika. U to vrijeme, Kenan Buljubašić je bio na rubu bazena, davajući instrukcije djetetu, koje je plivalo sa plutačom. Rekreativac je govorio da treba pomjeriti dijete jer mu smeta dok pliva. Kenan je dao upute djetetu da sa rekvizitom pliva na drugu stranu bazena. Kada je dijete otplivalo prema drugom kraju, Kenan je krenuo oko bazena na drugu stranu da dočeka dijete. U povratku prema stolici spasilaca, snimao sam rekreativni dio bazenom telefonom. Tada sam primjetio dijete, koje pliva samo i da je njegova sigurnost ugrožena u Olimpijskom bazenu u rekreativnom dijelu, sa čime sam upoznao i kolegu Eldina, koji je htio da interveniše da spašava dijete, ali uz pomoć plutače dijete je doplivalo do ruba bazena. Dok se ovo dešavalo s leđa mi je prišao Kenan Buljubašić, koji je snimao telefonom kako ja snima rekreativni dio i rekao „jel ti misliš da sam ja glup, da ne vidim da snimaš mene i dijete“? Na šta sam ga zamolio da skloni svoj telefon i da mi pojasni, koja je njegova uloga na bazenu? Odgovorio mi je „ti ćeš meni da odgovaraš, a ne ja tebi! Ja sam ovdje da postavljam pitanja, a da ti meni odgovaraš“ Pitao me koja je moja uloga, na šta sam mu odgovorio da sam rukovodilac za sport i programske aktivnosti i da sam u obilasku realizacije projektnih aktivnosti i spasilaca.

Obzirom da sam sjedio, naglo mi je prišao, zbog čega sam ga zamolio da se odmakne jer se osjećam ugroženim. Rekao sam mu da se pomjeri jer sam osoba sa invaliditetom. Odgovorio mi je da ga to ne zanima, te da će mi „pokazati neke stvari“. Odgovorio sam mu da se odmakne jer ću u protivnom pozvati policiju. Nastavio je raspravu sa kolegom Eldinom, prijeteci mi

roditeljima djeteta, kako će zvati policiju i podnijeti prijavu protiv mene. Kako sam se osjetio nesigurnim, pozvao sam policiju.

Veoma brzo, dobio sam telefonski poziv da je policija stigla na objekat.

Prilikom napuštanja plivališta, Buljubašić je već bio u prisustvu majke djeteta i govorio kako sam ja snimao njihovo dijete.

Rekao sam gospođi da nema potrebe za panikom, da sam primjetio da je sigurnost djeteta ugrožena u rekreativnom dijelu bazena i bez nadzora i ako mogu da pođu sa mnom jer je stigla policija. Odgovorila je da je i ona zvala policiju, te da je dijete povjerila Kenanu Buljubašiću.

Poslije sam prešao u invalidsku svlačionicu gdje su bili policajci, dao sam izjavu. Dok sam davao izjavu, u svlačionicu su došli otac djeteta i Buljubašić, govoreći da sam snimao njihovo dijete. Zamolio sam da izađu, kako bih dao izjavu.

Po završetku davanja izjave, pokazao sam policajcu snimak, na što mi je odgovorio da na snimku nema njihovog djeteta. Istakao sam, da ako sam na bilo kakav način ugrozio dijete, da ću pokazati roditeljima snimak.

Dok sam izlazio sa objekta, otac djeteta bio je na vratima, kojeg sam zamolio za minut razgovora, gdje sam ponovio da sam spreman izvinuti si ako sam na bilo koji način ugrozio njihovo dijete. Tom prilikom pokazao sam snimak, na šta mi je odgovoreno da nema nikakvih sumnji da se snima njihovo dijete.

Roditelj je rekao, da probleme sa „ilegalnim“ trenerima treba da riješimo s njima na neki drugi način, a da to djeca ne osjete. Otac je predložio i da se Bazen zatvori, dok se ovo ne riješi.

Istakao sam da smo mi inicijatori besplatnih treninga za ovu populaciju i da trebaju imati veću pažnju i posvećenost svih institucija, kako bi imali adekvatne uslove, kako kod nas tako i bilo gdje drugo.

Objekat napustio u pratnji roditelja, gdje su mi rekli da je sve ok i da nema problema.

Srdačan pozdrav,

Safet Alibašić